

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu politiku,
raseljena lica i izbjeglice



Bosnia and Herzegovina
Federation of Bosnia and Herzegovina
CANTON SARAJEVO
Ministry of Labour, Social Policy,
Displaced Persons and Refugees
"GERONTOLOŠKI CENTAR"

Broj: 13-05-27606/14
Sarajevo, 17.11.2014.godine

PRILAZ	20.11.2014		
Organizacioni jedinic			
		277/2778	

Na osnovu člana 76. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst), Ministarstvo za rad, socijalnu politiku, raseljena lica i izbjeglice Kantona Sarajevo, donosi

ODLUKU
O DAVANJU SAGLASNOSTI NA PRAVILNIK O IZMJENAMA I DOPUNAMA
PRAVILNIKA O RADU KANTONALNE JAVNE USTANOVE „GERONTOLOŠKI
CENTAR“

I

Daje se saglasnost na Pravilnik o izmjenama i dopunama Pravilnika o radu Kantonalne javne ustanove „Gerontološki centar“ broj: 08-1242/14 od 27.10.2014. godine, koji je Upravni odbor ove ustanove donio Odlukom broj: 08-1242-1/14 od 27.10.2014. godine.

II

Ova odluka stupa na snagu danom donošenja.

Pripremio:

Zoran Timarac

Kontrolisao:


Mesud Peljto

Dostaviti:

- KJU „Gerontološki centar“
- Ulica Aleja Bosne Srebrene 7
- Direktoru
- Upravnom odboru
- Nadzornom odboru
- A/a



M. Bandić, dipl. jur



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
KANTONALNA JAVNA USTANOVA
„GERONTOLOŠKI CENTAR“
SARAJEVO

Broj: 08-1242/14.
Sarajevo, 27.10.2014.god.

**PRAVILNIK
O IZMJENAMA I DOPUNAMA
PRAVILNIKA O RADU
KANTONALNE JAVNE USTANOVE
„GERONTOLOŠKI CENTAR” SARAJEVO**

Sarajevo, oktobar 2014. godine

Na osnovu člana 27. stav 1. alineja 6. Zakona o ustanovama („Službeni list RBiH“ broj: 6/92, 8/93 i 13/94), člana 107. Zakona o radu („Službene novine FBiH“ broj: 43/99, 32/00 i 29/03), člana 27. stav (1), podstav 1), alineja a), člana 59. stav (2) Pravila Kantonalne javne ustanove „Gerontološki centar“ i člana 171. Pravilnika o radu Kantonalne javne ustanove „Gerontološki centar“, nakon obavljene konsultacije sa Sindikatom Kantonalne javne ustanove „Gerontološki centar“ Sarajevo, Upravni odbor Kantonalne javne ustanove „Gerontološki centar“ na svojoj 9. redovnoj sjednici, dana 27.10.2014.godine, d o n o s i

**PRAVILNIK O IZMJENAMA I DOPUNAMA
PRAVILNIKA O RADU
KANTONALNE JAVNE USTANOVE
„GERONTOLOŠKI CENTAR“ SARAJEVO**

Član 1.

U Pravilniku o radu Kantonalne javne ustanove „Gerontološki centar“ Sarajevo, broj: 01-225//07 od 05.10.2007.godine, u članu 54., u trećem redu, brišu se riječi „i drugim materijalnim pravima“, a riječ „koja“ zamjenjuje se riječju „koje“.

Član 2.

Član 57. mijenja se i glasi:

„Naknade koje nemaju karakter plaće zaposlenici Gerontološkog centra ostvaruju u skladu sa važećom Uredbom o naknadama koje nemaju karakter plaće i ovim Pravilnikom.“

Član 3.

U članu 59., u stavu (2), u trećem redu, riječ „radnog“, zamjenjuje se riječju „penzijskog“.

Član 4.

Član 62. mijenja se i glasi:

„Gerontološki centar primjenjuje osnovicu za obračun plaće koju utvrđuje sporazumno Vlada Kantona Sarajevo i Sindikat, prije donošenja Budžeta za narednu fiskalnu godinu, a primjenjuje se od 01.01. za svaku narednu godinu.“

Član 5.

Član 63. mijenja se i glasi:

„Najniža plaća zaposlenika za najmanju složenost poslova ne može biti manja od 70% prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku Federalnog zavoda za statistiku.“

Član 6.

Član 64. mijenja se i glasi:

„Sva radna mjesta predviđena Pravilnikom o unutrašnjoj organizaciji i sistematizaciji poslova razvrstavaju se u 8 platnih razreda, prema vrsti i složenosti poslova, odgovornosti, kao i stručnoj spremi i stručnom zvanju i za svaki platni razred i radno mjesto utvrđuju se slijedeći koeficijenti za plaću:

<i>Redni broj</i>	<i>Naziv radnog mjesta</i>	<i>Platni razred</i>	<i>Koeficijent</i>
1.	Direktor	I	5,20
2.	Šef Službe pravnih i općih poslova, Šef Službe materijalno-finansijskih i računovodstvenih poslova, Šef Službe socijalnog rada, Šef Službe zdravstvene zaštite i njege, Šef Službe ishrane, Šef Službe servisnih usluga, Šef Službe za edukaciju, plan i analizu, Šef Unutrašnje službe zaštite	II	4,50
3.	Viši stručni saradnik- ljekar opće prakse	IV	3,90
4.	Stručni saradnik za kvalitet, Stručni saradnik za pravne poslove, Stručni saradnik za informisanje, Stručni saradnik za javne nabavke, Stručni saradnik za praćenje realizacije javnih nabavki, Stručni saradnik za knjigovodstvene poslove, Stručni saradnik za poslove socijalnog rada, Stručni saradnik-radni terapeut, Stručni saradnik za zdravstvenu njegu, Odgovorna sestra smjene, Stručni saradnik - sociolog, Stručni saradnik – psiholog, Stručni saradnik za edukaciju	V	3,70
5.	Viši samostalni referent za poslove socijalnog rada Viši samostalni referent-geronto domaćica	VI	3,10
6.	Poslovna sekretarica, Viši referent za protokol, Viši referent finansijskog knjigovodstva, Viši referent materijalnog knjigovodstva, Viši referent za likvidaturu knjigovodstvenih dokumenata, Viši referent obračuna i likvidacije ličnih rashoda, Viši referent za blagajničko poslovanje, Viši referent za nabavku i skladištenje, Medicinska sestra-tehničar, Fizioterapeut, Glavni kuhar, Repcioner	VIII	2,70
7.	Vozač-kurir, Noćni čuvar-portir, Kuhar, Pomoćni kuhar, Kafe-kuharica, Kućni majstor, Rukovaoc kotlovnice, Frizer-brijač	X i XI	2,60
8.	Njegovateljica, Servirka, Vešerica, Šnajderica-vešerica, Spremačica	XII	1,85

Član 7.

Članovi 65. i 66. se brišu.

Član 8.

Član 67. mijenja se i glasi:

„Neto plaća zaposlenika se obračunava množenjem sporazumno dogovorene osnovice između Vlade Kantona Sarajevo i Sindikata i koeficijenta platnog razreda u koji je zaposlenik postavljen i tako utvrđen iznos uvećava se za 0,5% za svaku započetu godinu penzijskog staža zaposlenika, a najviše do 20%.

Član 9.

Član 69. mijenja se i glasi:

„(1) Osnovna plaća zaposlenika uvećat će se:

- a) za prekovremeni rad.....50%,
- b) za rad u neradne dane.....30%,
- c) za rad noću.....35%,
- d) za rad u dane državnih praznika.....50%.

(2) Naknade odnosno uvećanja plaće iz stava (1) ovog člana ostvaruju se donošenjem rješenja u kome će biti precizno naznačeni vrsta poslova, period obavljanja poslova i broj izvršilaca poslova.”

Član 10.

Član 87. mijenja se i glasi:

„(1) Zaposleniku kome nije organizovan prevoz na posao i sa posla, a čije je mjesto stanovanja od Gerontološkog centra udaljeno najmanje dva kilometra, a najdalje u granicama Kantona Sarajevo, pripada mjesečna karta za prevoz.

(2) Pravo na mjesečnu kartu za prevoz u međugradskom saobraćaju imaju zaposlenici koji dolaze na posao iz mjesta prebivališta koje se nalazi van područja u kome je mjesto sjedišta Gerontološkog centra.

(3) Pravo u slučaju iz stava (2) ovog člana se ostvaruje na osnovu pismenog zahtjeva zaposlenika, u kome se navodi adresa stvarnog stanovanja i prilažu sljedeći dokazi:

- dokaz o prebivalištu (prijavnica CIPS-a),

- pismeni dokaz firme čiji se prevoz koristi za dolazak na posao i povratak sa posla (dnevna ili mjesečna karta).

(4) Ukoliko zaposlenik koristi više prevoznih sredstava od mjesta stanovanja do mjesta rada, obezbijedit će mu se mjesečna karta odgovarajućeg prevoznika, koja je najpovoljnija za zaposlenika.“

Član 11.

Član 100. mijenja se i glasi:

„(1) U slučaju nastanka povrede na radu, teške invalidnosti ili teške bolesti zaposlenika ili člana njegove uže porodice, isplaćuje mu se jednokratna novčana pomoć u skladu sa članom 32. Zakona.

(2) Pod teškom bolešću iz stava (1) ovog člana podrazumijevaju se sljedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenje mišićnog sistema, paraliza i druge teške bolesti određene općim aktom Federalnog ministarstva zdravstva, kao i teške tjelesne povrede.

(3) Bolest, odnosno tjelesna povreda se dokazuje na osnovu dijagnoze i potvrde nadležne zdravstvene ustanove i zdravstvene komisije za kvalifikaciju težine bolesti – JU „Zavod za zdravstvenu zaštitu zaposlenika MUP-a Kantona Sarajevo.”

Član 12.

(1) Ovaj Pravilnik stupa na snagu danom donošenja odluke o davanju saglasnosti Ministarstva za rad, socijalnu politiku, raeljena lica i izbjeglice Kantona Sarajevo na isti, a primjenjuje se od 01.08.2014.godine.

(2) Nakon dostavljanja odluke o davanju saglasnosti Ministarstva za rad, socijalnu politiku, raeljena lica i izbjeglice Kantona Sarajevo, ovaj Pravilnik o izmjenama i dopunama Pravilnika o radu Kantonalne javne ustanove „Gerontološki centar” Sarajevo će se objaviti na oglasnoj tabli Gerontološkog centra.



VD PREDsjednica
UPRAVNOG ODBORA

Seniha Ćelik
Dr Seniha Ćelik

Bosna i Hercegovina
Federacija Bosne i Hercegovine
KANTON SARAJEVO
KANTONALNA JAVNA USTANOVA
„GERONTOLOŠKI CENTAR“
SARAJEVO
- UPRAVNI ODBOR -

Broj: 08-~~1142~~-1/14.
Sarajevo, 27.10.2014 .god.

U skladu sa članom 27. stav 1. alineja 6. Zakona o ustanovama („Službeni list RBiH“ broj: 6/92, 8/93 i 13/94), a na osnovu člana 27. stav (1), podstav 1) alineja a) Pravila Kantonalne javne ustanove „Gerontološki centar“, Upravni odbor Kantonalne javne ustanove „Gerontološki centar“ Sarajevo, na svojoj 9. redovnoj sjednici, dana 27.10.2014.godine, d o n o s i:

ODLUKU

I

Donosi se Pravilnik o izmjenama i dopunama Pravilnika o radu Kantonalne javne ustanove „Gerontološki centar“ Sarajevo.

II

Pravilnik o izmjenama i dopunama Pravilnika o radu Kantonalne javne ustanove „Gerontološki centar“ Sarajevo dostaviti na saglasnost Ministarstvu za rad, socijalnu politiku, raseljena lica i izbjeglice Kantona Sarajevo.

III

Ova Odluka stupa na snagu danom donošenja.

Obrazloženje:

Pravilnikom o izmjenama i dopunama Pravilnika o radu Kantonalne javne ustanove „Gerontološki centar“ Sarajevo izvršeno je usklađivanje odredbi Pravilnika o radu sa odredbama Sporazuma o postupku utvrđivanja platnih razreda i koeficijenata za obračun plaća i naknada koje nemaju karakter plaće u javnim ustanovama socijalne zaštite Kantona Sarajevo, zaključenog 22.07.2014.godine između Vlade Kantona Sarajevo putem Ministarstva za rad, socijalnu politiku, raseljena lica i izbjeglice Kantona Sarajevo i Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji BiH. Usklađivanje je izvršeno i sa odredbama Uredbe o naknadama koje nemaju karakter plaće („Službene novine Federacije BiH“ broj: 4/12 i 25/14).

Nakon razmatranja predloženih izmjena i dopuna u Pravilniku o radu Kantonalne javne ustanove „Gerontološki centar“ Sarajevo, Upravni odbor je odlučio kao dispozitivu.

Dostavljeno:
2x resornom Ministarstvu
2x Sl.pravnih i opštih posl.Geront.centra
1x Služba finansij.-računov. Poslova Geront. centra
1x Arhiva Upravnog odbora
1x a/a

